

緯

攬

緯攬卷五

男聯寶小鶴氏恭校字

塗水喬松年鶴氏輯 弟廷樾瀛槎氏彙訂

洪都李霖雲品民校梓

春秋緯上

春秋演孔圖 或作孔演圖

正氣為帝間氣為臣宮商為佐秀氣為人

後漢書郎顗傳注御覽七十六三

百六十 六百二十引正氣為帝兩句但目為春秋說類函引正氣為帝兩句作說題辭 唐

注曰正氣謂若木人則得蒼龍之形靈威仰之氣火人得

朱鳥之形赤燁怒之氣以生之比也間氣則不苞一行各

受一星以生若蕭何感昴精樊噲感狼精周勃感亢精者
也御覽

愚按郎顗傳作宮商爲佐御覽作宮商爲姓

天子皆五帝精必有諸神扶助使開階立遂陸機漢功臣頌注

宋均注曰遂道也

天子皆五帝精寶各有題序以次運相據起必有神靈符紀
諸神扶助使開階立遂王者常置圖錄於旁以自正初學記九御覽七十六

天子執圖諸侯得之大權成干寶晉紀總論注

天運三百歲雌雄代起東方曼倩答客難注

矩燧皇謂人皇在伏羲前始王天下者風姓

路史引作孔圖明道經

倉頡四目是謂並明顓帝戴干是謂崇仁帝佶戴干是謂清
明堯眉八采是謂通明舜目重瞳是謂立景禹耳參漏是謂
大通湯臂三肘是謂柳翼文王四乳是謂含良武王駢齒是
謂剛強

路史

御覽三百六十六引倉頡四目二句

愚按此文與元命包相似

舜目四瞳是謂重明承乾踵堯海內富昌

御覽八十一路史

注曰瞳瞳子也踵猶履也履其所行也

黃帝之將興黃雲升于堂

藝文類聚唐類函

舜之將興黃雲升于堂

御覽

舜興黃雲升屋

淵鑑類函

文命之見候期門靈龜穴庭元龍御雲

御覽八十二

注曰靈龜虛危也穴庭者星入太微門立龍水精也御雲

者蓋召氣也

路史

黑帝治生五角之禽以觸民

御覽九百十四

宋均注曰陽數五也

湯之將興白雲入房

藝文類聚
御覽八

夏民不康天果命湯白虎戲

朝白雲入房

御覽八十三

注曰白虎白雲皆金精也

御覽八十三

天命湯白虎戲朝其終白虎在野

御覽八百九十一

湯地七十內懷聖明

藝文類聚

唐類函

尹伊大而短赤色而髯好俛而下聲御覽三百九十八

聖人在後曰望陽苞懷至德據少陽御覽一百四十六

注曰文王子也故曰在後

孔子母顏氏徵在游大澤之陂睡夢黑帝使請已往夢交語

曰汝乳必于空桑之中覺則若感生邱於空桑御覽三百六十九百五

十故曰立聖後漢書班固傳注

愚按通典謂真宗謚孔子曰立聖文宜卽取此義

孔子之胸有文曰制作定世符御覽三百六十一路史引此符字下有運字

孔子長十尺大九圍坐如蹲龍立如牽牛就之如昂望之如

斗御覽三百七十七三百九十三引四句

孔子曰邱援律而吹命得陰羽之宮

御覽十六路史天中記作命陰得羽之宮

孔子曰邱作春秋王道成

劉歆移書太常博士注

孔子脩春秋九月書成卜之得陽豫之卦

儀禮疏一

獲麟而作春秋九月書成

公羊獲麟疏

得麟之後天下血書魯端門曰趨作法孔聖沒周姬亡彗東

出秦政起胡破術書紀散孔不絕子夏明日往視之血書飛

為赤鳥化為白書署曰演孔圖中有作圖制法之狀

公羊獲麟疏

左傳哀十三年疏 中庸祖術堯舜疏 藝文類聚九十八

皆節引 司馬紹統贈山濤詩注節引作說題辭

孔子論經有鳥化為書孔子奉以告天赤爵集書上化為黃

玉刻曰孔提命作應法為赤制

藝文類聚 御覽九百十四

文宣成襄所聞之世也

公羊序疏

作法五經運之天地稽之圖象質於三王施之四海

御覽六百八

六百十 說郭

愚按此謂孔子脩春秋

孔子曰邱作春秋天授演孔圖中有大玉刻一版曰璇璣一
低一昂是七期驗敗毀滅之徵也

御覽六百六

詩含五際六情

詩疏

絕于申

陸機文賦注

宋均注曰六情卽六義也一曰風二曰賦三曰比四曰興

五曰雅六曰頌

詩疏

申申公也

文賦注

公羊全孔經

唐類函

宋均注公羊公羊高也經謂春秋

帝當會昌成封岱宗

顏延年拜陵廟詩注

宋均注應會之期

靈符滋液以類相感

陸機弔魏武帝文注

仁義之道日月循緯

藝文類聚 唐類函

諸侯爲外藩三公爲中輔

唐類函 天中記

驅除名政顛倒吾衣裳坐吾曲牀濫長九州滅六王至于沙

邱亡

御覽六百四十八

有人卯金興于豐

通考一百二十五

擊玉鼓駕六龍

御覽五百八十二上句落興于

二字 唐類函引作卯金豐誤也 天中記引與通考同

注曰鼓喻所行清嚴人服其威勢也

劉四百歲之際褒漢王輔皇王以期有名不就

後漢獻帝紀贊

宋均注曰雖舊族人為漢王以自輔以當有應期名見攝錄者故名不就也

玄邱制命帝卯行也

班固典引注

卯金刀名為劉中國東南出荊州赤帝後次代周

後漢書班固傳注

光武帝紀 邳惲傳

其人日角龍顏姓卯金含仁義

藝文類聚十二

御覽八十

戴玉英光中再仁雄出日角用

御覽八十八

注曰玉英文帝之首表象玉英而秀出光日光也再中也

漢含孳曰夜景移位復中支庶起也爲仁人之雄傑旣戴

玉英且日角也用謂用於天下

王者德政海內富昌則鎮星入關

御覽八百七十二

注曰闕華闕之間當帝座

天子舉賢則景星放於天

御覽八百七十二

參以斬伐

詩小星疏

八政不中則天雨刀

御覽三百四十四

八政不中則人無脣

三百六十

八政不中則鐵飛

八百十三

注曰人恃脣乃語命無陰不制

霓者斗之精也斗失度則投霓見態主惑於毀譽

後漢書五行志

天子外苦兵威內奪臣無忠則天投霓

全上

愚按後漢書楊賜傳引讖作斗之亂精也格致鏡原蛻類亦引作亂精通考則作斗之精也

宵人之世多饑寒

江文通擬鮑昭詩注

天子官守以賢舉則鸞在野

御覽九百十五

鳳火之精也

御覽九百十五

麟木之精也蒼之滅也麟不榮也

初學記二

十九路史

宋均注曰麟木精木生於火故曰陰木氣好土土黃木青故麟色青黃不榮謂見繼也

麒麟鬥而日無光

御覽八百九十九

宋均注曰麒麟少陽之精門於下則日月亦將爭於上

蟾蜍月精也

御覽四

海精死彗星出

御覽八百九十三

彗星出則國樞樞

同上

宋均注曰海精鯨魚

孝經疏引演孔圖宋均注曰康成注三禮詩易尚書論語其
春秋孝經則有評論

共五十六條

孫本所無者二十一條

春秋元命包

周五等爵法五精公之言公公正無私侯之言候候逆順兼
伺候王命伯之言白明白于德子者孳恩宣德勇者任功立
業皆上奉王者政教禮法統理一國修身絜行

禮王制疏
公羊疏

注曰五精是其總法五精分之則法五剛曰

王制疏

庸者通也官小德微附于大國以名通若畢星之有附耳然
故謂之附庸

公羊疏

元者端也氣泉

公羊疏

宋注曰元爲氣之始初水之有泉泉流之原無形以起在
天成象有形以分在地成形窺之不見聽之不聞

王不上奉天文以立號則道術無原故先陳春後言王天不
深正其元則不能成其化故先起元然後陳春矣

公羊疏

斗指東方曰春指南方曰夏指西方曰秋指北方曰冬

公羊疏

王者孰謂謂文王也疑三代不專謂文王

公羊疏

朱注曰雖大略據三代其要主於文王

愚按公羊春王正月疏引此六條皆指爲春秋說而於
謂文王也疏下解之曰是以元命包上文總而疑之則
此六條皆可定爲元命包之文且王制疏引周爵五等
一條正作元命包也

諸侯不上奉王之正則不得卽位正不由王出不得爲正王

不承於天以制號令則無法天不得正其元則不得成其元也

中庸疏

元年者何元宜爲一謂之年

班固東都賦注

開闢至獲麟二百七十六萬歲

後漢書律歷志

路史

律之爲言率也所以率氣令達也歲之爲言遂也三年一閏以起紀

御覽十六十七

宋均注曰率猶導也遂出也出行事於所直辰也組法也三年加以一閏以會成歲也

三年一閏不告朔非禮也夫閏正時以作事厚民生之道樞機在是矣

唐類函

愚按類函三年一閏誤作二年一朔

一歲三百六十五日四分度之一言陽布散立數合一故立

字四合其一

御覽一

夏以十三月爲正息卦受泰其色尙黑以平明爲朔殷以十

二月爲正息卦受臨其色尙白以雞鳴爲朔周以十一月爲

正息卦受復其色尙赤以夜半爲朔

杜佑通典詩何草不黃疏引夏以十三月爲

正一句路史引夏以十三月爲正息卦受泰二句

陽氣數成於三故特別三月陽數極于九故三月一時九十

日王元長策秀才文注阮嗣宗詠懷詩注

宋衷注曰四時皆象此類不惟春也天中記

冬至百八十日春夏成夏至百八十日秋冬成合爲三百六

十日日歲數舉

唐類函

注曰舉猶備也

春者神明推移精華結紐

御覽十九

注曰神明猶陰陽也相推相移使物英華結成紐結要也
春含名蠢位東方動春明達六合俱生萬物應節五行並起
各以名利其精青龍龍之言萌也陰中之陽也

御覽十九

注曰春之言蠢東之言動含此名以自明自達也雖於時
爲春以其蠢動無節應此時節也自六合俱生以通五行
各有陰陽交合故能然也獸之妙莫若龍故就青龍萌以

名之

王者受命昭然明於天地之理故必移居處更稱號改正朔

易服色以明天命

宋書禮志

正朔三而改文質再而復三王有失故立三教以相變夏人

之立教以忠其失野故救野莫如敬殷人之立教以敬其失

鬼故救鬼莫如文周人之立教以文其失蕩故救蕩莫如忠

如此循環周而復始窮則相承

禮表記疏

班固答賔戲注

藝文類聚引首兩句

一質一文據天地之道天質而地文

班固答賔戲注

陸機

三德之運應錄次相代

班叔皮王命論

五德之運各象其類興亡之名膺錄以次

李康運命論

天人同度正法相授天垂文象人行其事謂之教教之爲言

效也上爲下效道之始也

御覽三百六十象三句

廣韻引天垂文

命者天之命

楊子雲長楊賦注

命者天下之大命也

李康運命論

聖人一其德智者循其轍長生久視不以命制則愚者悖慢
智者無所施其術殘物逆道天不殺故立三命以垂策所以
尊天一節三者法三道之術命者天之令也所受於帝行正
不過得壽命起九九八十一有隨命隨命者隨行爲命也有
遭命遭命者行正不誤逢世殘賊君上逆亂辜咎下流災譴
並發陰陽散忤暴氣雷至滅日動地天絕人命沙鹿襲邑是

注曰一其德言盡得其帝之精氣也循其轍言不違其帝
所尚也如是則皆得長生久視言所行當天也不以命制
愚慢之人則賢智道術不得施行勢相反帝天帝也八十
一陽氣相乘之極援神契日隨者逆天道常善之行則隨
其暴虐行以教之忤牾也襲猶淪河水淪沙鹿之邑溺殺
人也

造起天地鑄演人君通三靈之貺交錯同端

陸機漢高帝功
臣頌注 陸倕

石闕銘注 顏延之曲水詩注
何晏景福殿賦注

天道煌煌非一帝之功王者赫赫非一家之常順命者存逆

命者亡 初學記九

皇者煌煌也道爛然顯明帝者諦也 御覽七十六

明王獨見四海歸往 石仲容與孫皓書注

伏羲女媧神農爲三皇 東都賦注

少典妃安登游于華陽有神龍首感之於常羊生神子人面

龍顏好耕是謂神農 路史

女登生神農人面龍顏始爲天子 御覽一百三十五

神農生三辰而能言五日而能行七朝而齒具三歲而知稼

穡般戲之事 馬驥釋史

神農耕桑得利究年受福 馬驥釋史

神農之世怪義生白阜圖地形脈道

御覽三十六

注曰怪義白阜之母名也白阜爲神農圖畫地形通水道之脈使不壅塞也

倉帝史皇氏名頡姓侯剛龍顏侈哆四目靈光實有睿德生而能書及受河圖綠字於是窮天地之變化觀奎星圖曲之勢俯察龜文鳥羽山川指掌而創文字天爲雨粟鬼爲夜哭龍乃潛藏治百二十載都於陽武

續史

黃帝龍顏得天庭陽上法中宿取象文昌戴天履陰秉數制

剛御覽七

顓頊駢幹上法月參秉度成紀以理陰陽

御覽七十九

三百七十一

引秉度成紀作參路史引駢幹作戴干

帝信戴干是謂清明發節移

度蓋象招搖

御覽八十 三百五十七 白虎通

堯眉八采

是謂通明歷象日月璇璣玉衡

藝文類聚十一 御覽八十

舜重瞳子

是為重原

初學記九作滋涼 御覽

上應攝提下應三元

御覽

三百六十六 白

后稷岐頤目求是謂好農蓋象角亢載土

食穀

御覽三百六十八

湯臂四肘是謂神剛象月推移以綏四方

御覽

三百六十九 八十

文王四乳是謂含良蓋法酒旗布文舒

明

御覽三百七十一 八十四引作布恩舒惠

文王龍顏柔肩望羊

御覽三百六十九 八十四引

作阜

武王駢齒

御覽八十四

藝文類聚節引

注曰顏有龍象似軒轅也庭陽太微庭也戴天天文在首

履陰陰字在足下也制剛紀紀正四輔也駢猶重也水精

主月參伐王斬刈成功兼此月職重助費以爲表干盾也

招搖爲天戈楯相負戴之象見天下以爲表御覽有滋液之

潤且清涼光明而多見也

初學記卷九作宋均注

頤有土象頤面之

木部下部爲地巧於地利也乳酒也能乳天下布恩惠也

柔肩象龍肩曲起

御覽重齒以爲表初學記

愚按初學記於滋涼下作宋均注於乳酒下作宋衷注

御覽於各條下皆不著注人姓名惟后稷岐頤下作宋

均注愚意皆是均注也

武王駢齒是爲剛強取象參房誅害以從天心

御覽三百六十八釋史

引此文誅害上有承命二字是也

宋均注曰房爲明堂布布政參爲大臣主斬刈兼此二者故重齒爲表

黃帝時大星如虹下流華渚女節夢接意感而生白帝朱宣劉孝標辨命論注 御覽引作河圖

宋均注曰華渚渚名也朱宣少昊氏

蚩尤虎卷盛文立兵

路史

宋均注曰卷手也于文成字也

堯游於河赤龍負圖與六尉舜等百二十二人發視之

路史

堯游河渚赤龍負圖以出圖赤如綈狀龍沒圖在

陸倕石闕銘注

堯爲天子夢白帝遺吾鳥喙子其母爲始扶升高丘睹白帝

上有雲虎感已生皋陶索扶始問之如堯言徵與語明於刑

法罪次終始故立皋陶為大理

藝文類聚

御覽二十四
三百九十七

注曰雲虎有雲狀如虎

愚按淮南子謂皋陶鳥喙與此文合而路史謂當作馬

喙以鳥為誤

扶都感白氣而生湯

藝文類聚十二

姜嫄游閭宮其地扶桑履大迹生后稷

御覽一百三十五
九百五十五節引

注曰扶桑者日所出也

扶桑者日所出房所立其耀盛蒼神用事精感姜嫄卦得震

震音動而光故知周蒼

沈約安陸王碑注

周先姜嫄履大人迹生后稷扶桑推種生故后稷好農

御覽八百

二十二

注曰神始從道道必有迹而姜嫄履之意感遂生后稷於扶桑之所出之野長而推演衆生之法而好農知爲蒼神所命也

代殷者爲姬昌人形龍顏長大精翼日衣青光生於岐立於豐遷造西十刻消

御覽八十四

注曰姬昌之言姬始也昌兩日重見言明象岐雍州之山最高大者也豐亦大爲日精所羽翼故遂以爲名也木神以其方色表衣之遷造西盖文王爲西伯時西方造意東

入討紂十刻之間則消滅之言聖人所向無前也

御覽

姬昌蒼帝之精位在房心

初學記九 唐類函

文王之時五星以聚房

周禮大宗伯疏

殷紂之時五星聚於房房者蒼神之精周據而興

藝文類聚 謝元暉

始出尚書省詩注 淵碑注 唐類函

王仲寶補 御覽五

注曰周起於房而五星聚之得天下之祥

藝文類聚

文王積善所閏之餘烈

傅季友脩楚元王墓教注

天命文王以九尾狐

王子淵四子講德注 張景陽七命注

西伯既得丹書於是稱王改正朔誅崇侯虎

詩文王疏

火離為鳳凰皇銜丹書游於文王之都故武王受鳳書之紀

藝文類聚九十九 詩文王疏引鳳皇銜丹書一句 陳元龍格致鏡原引二句

受命誅橫順天之德 唐類函武功類

文王造之而未遂武王遂之而未成周公旦總少主而成之

故曰成王 藝文類聚十二 唐類函帝王類 御覽八十四引作呂氏春秋

亦受命持大權 潘岳西征賦注

繼體守文之君不害聖人之生 三國志名臣傳贊叙

天子五廟二昭二穆與始祖而五 杜佑通典 馬端臨通考

唐虞五廟殷六廟周七廟 通典

王者置廷尉讞疑刑官之平下之信也尉者尉民心撫其實也故立字士垂一人詰曲折著為廷示戴尸首以寸者為言

寸度治分數之法示惟尸稽于寸舍則法有分故爲尉示與

尸寸 陶九成說郭 天中記

宋均注曰士事也垂係也尸人死也人死不可無尸戴之者示天下不可無死也

刑字從刀從井井以飲人人入井爭水陷於泉以刀守之割其情欲人畏慎以全命也 釋元應一切經音義

罔言爲罾刀罾爲罰罰之言罔陷於害 廣韻

賜虎賁得專征伐賜鈇鉞得誅也 後漢書袁紹傳

人君樹棘槐聽訟于其下棘赤心有刺言治人情者原其心不失赤實槐棘所以刺人令其情各歸實槐之言歸也情見

歸實也

御覽六百三十九
初學記二十引三句

九百五十九

墨劓辟之屬各千臙辟之屬五百宮辟之屬三百大辟之屬二百列爲五刑罪次三千

公羊襄二十九年疏

國君王者封上應列星之位

禮王制疏

周禮大司徒疏

王者不空作樂樂者和盈於內動發於外應其發時制禮作樂以成之是故作樂者必反天下之始樂於已爲本舜之時民樂其紹堯業故韶者紹也禹之時民大樂其駢三聖相繼故夏者大也湯之時民大樂其救於患苦故濩者救也文王之時民樂其興師征伐故武者伐也四者天下所同樂一也其所同樂之端不可一也

周禮大司樂疏
六八十二八十三

御覽五百六十一
初學記皆節引

注曰舜服繼堯之業駢讀曰頻頻猶比也各樂其君所爲故不可合四家以爲一也御覽和盈於內鄉人邦國咸歌之發於外則四方之風也論語疏

愚按文王之時當作武王之時藝文類聚亦引禹湯兩樂之文而曰夏者大也故樂名大夏濩者救也故樂

名大濩

黃鍾始黃禮月令疏

注曰始萌黃泉中

人十月而生詩生民疏

五氣之精交聚相加以迎陽道故致人和御覽三百六十

注曰五氣五行之氣

陰陽之性以一起人副天道故生一子

御覽三百六十

仁者情志好生愛人故其爲人以仁其立字二人爲仁

同上

頭者神所居上員象天氣之府也歲必十二月故人頭長一

尺二寸

御覽三百六十三

在天爲文昌在人爲顏顙太一之謂也顏

之言氣畔也陽立於五故顏博五寸

御覽三百六十四

天有攝提人

有兩眉爲人表候陽立於二故眉長二寸

格致鏡原

舌之爲言達

也陽立於三故舌在口中者長三寸象斗玉衡陰合有四故

舌淪入溢內者四寸

御覽三百六十七

唇者齒之垣所以扶神設端

若有列星與外有限故曰唇亡齒寒

御覽三百六十八

宋均注曰攝提兩星頗曲人眉似之也玉衡三星魁四星

天中記 唐類函

目者肝之使耳者心之候御覽三百六十八脾之為言附著也如龍

蟠虎伏合附著也御覽三百六十九

心者火之精火成於五故人心長五寸天中記 唐類函 格致鏡原脾者

胃之府主稟氣胃者穀之委故脾稟氣也御覽三百七十六膀胱者

肺之府也肺斷決膀胱亦常張有勢故膀胱決難也御覽三百七十七

六目者肝之使肝者木之精蒼龍之位也鼻者肺之使肺者

金之精制割立斷耳者心之候心者火之精上為張星陰者

腎之寫腎者水之精上為虛危口者脾之門戶脾者土之精

上爲北斗主變化者也

白虎通

髮精散爲鬚髯

御覽三百七十四

腦之爲言在也人精在腦

御覽三百七十

五膏者神之液也

御覽三百七十五廣韻引此句

掌運法天以運動指五者法五行

御覽三百七十

陽立於三故人脊

三寸而結陰極於八故人旁八幹長八寸臍者下流並會合

爲臍腹

御覽三百七十一

腰而上者爲天尊高陽之狀腰而下者爲

地豐厚陰之象數合於四故腰周四尺髀之爲言跂也陰二

故人兩髀

御覽三百七十二

宋均注曰結節也臍中也四方並轆者也

醜珥珥言譾譾

康熙字典

注曰珥音臻至也

屈中挾一而起者爲史史之爲言紀也天度文法以此起也
御覽三百三十五

天不足西北陽極於九故周天九九八十一萬里

御覽卷一

學紀聞

藝文類聚

說郭

地不足東南陰右動終而入靈門地所以右轉者氣濁精少

含陰而起遲故轉右迎天助其道

藝文類聚六
御覽三十六

天左旋地右動

張茂先勵志詩注

天如雞子天大地小表裏有水地各承氣而立載水以浮天

如車轂之過

說郭

乾動川靜

王巾頭陀寺碑注

陽成於三列於七三七二十一故每州二百一十國也

禮王制疏

自東極至於西極五億十萬九千八百八步

說郭

地者易也言養物懷任交易變化含吐應節故其立字土力

于乙者爲地

御覽三十六

注曰地加土以力又加乙者言奉太下也

土無位而道在故太一不與化人主不任部地出雲起雨以

合從天下勤勞出於地功歸於天

御覽三十六

陽數起於一成於三故日中有三足鳥

蜀都賦注

曹子建

日左行周天二十三萬里

御覽一

人君至治有三足鳥周書明帝紀鳥者陽之精後漢書班固傳注

日中有三足鳥者陽精其僂呼也御覽九百二十初學記三十

注曰僂呼溫潤生長之貌御覽

日之爲言實也爾雅月之爲言闕也謝莊月賦注兩設蟾蜍與兔

者陰陽相居明陽之制陰陰之倚陽御覽四吳都賦注月賦注引作兩設蟾蜍與

兔者陰雙居

七政度日月明御覽一

日月出內道璇璣得其常天帝崇靈聖主初功隋書天文志

日員望之廣尺以應千里禮王制疏周禮大司徒疏

太陰水精爲月日行十三度常朏任而受明陽精在內故金

水內景 御覽四

月盈而闕者訕鄉尊 江文通擬謝詩注 天中記

宋均注曰訕還也尊君也 江詩注

日尊故滿滿故明明故精在外 唐類函日類 天中記

注曰滿者常盛無虧也 唐類函

天之言填 詩君子偕老疏

太微爲天庭五帝以合時紫微宮爲大帝 周禮大宗伯疏

中有五帝座五帝合明 穀梁僖三十一年四卜郊疏

天生大列爲中宮天極星其一明者太一常居也傍兩星巨

辰子位故爲北辰以起節度亦爲紫微宮紫之言此也宮之

言中也 史記天官書

宋均注曰十二宮中外位各定總謂之紫宮也

宮之言中也言天神圖法陰陽開閉皆在此中也 周禮大宗伯疏

宮之爲言宣也宣氣立精爲神垣也 史記天官書

畢爲天階 史記

昂畢爲天街 藝文類聚六

昂畢散爲冀州分爲趙國立爲常山牽牛流爲揚州分爲越國立爲陽山軫星散爲荊州分爲楚國荆之爲言强也陽盛物堅其氣急悍也虛危之精流爲青州分爲齊國立爲萊山天弓星流爲徐州別爲魯國徐之爲言舒也言陰收內安詳

也五星流爲宄者分爲鄭國宄之爲言端也信也蓋其宄水以名焉言隄精端故其氣纖殺鉤鈐星別爲豫州豫之爲言序也言陰陽分布各得處也東井鬼星散爲雍州分爲秦國雍壘也東距穀阪西有漢中南含高山北阻居庸得東井動升之萌其氣險也觜參流爲益州益之爲言隘也謂物類並決其氣急切決烈也箕星散爲幽州分爲燕國幽之爲言窈也言風出入窈冥敏勁易曉故其氣躁急營室流爲并州分爲衛國立爲明山并之爲言誠也精合交并其氣運抗誠信也

晉書天文志地理志

藝文類聚

御覽三十九

一百

六十三

一百六十七

一百七十

分引

愚按天中記引天弓星作氏星當從之淵鑑類函立爲

常山下有其下有祠祀安天王八字

北者高也極者藏也言太一之星高居深藏故名北極

公羊
昭十

六年疏

常一不易玉衡正

楊子雲長楊賦注

魁下六星兩兩而比曰三台

後漢書
郎顗傳

王閭德宣符德立題

唐
類

函

宋均注曰皆升文昌三台也立題題五帝之德行主其職

矣御覽二百八

危東六星兩兩相比曰司空主水金水守之天下憂水

御覽
二百

八上將建威武次將正左右貴相理文渚司祿賞功進司命

主老幼司中主災咎左角理物以起右角將率而動攝提之
爲言提攜也言能提斗攜角以接於下也亢四星爲廟廷鉤
鈐兩星以防閑神府閭舒爲主鉤距以備非常也尾九星箕
四星爲後宮之塲營室十星埏陶精類始立紀綱包物爲室
漢中四星天駟一曰天駟潢主河渠所以度天神通八方東
井八星主水衡北方辰星水生物布其紀故辰星理四時

天官書

史記

宋均注曰天橫天津也津湊也主計度也辰星正四時之
位得與北辰同名也

能之爲言耐也天官器人各以其材因而任之則分職治其

象以見符

唐類函

心爲天王

詩小星疏

柳五星昴六星

詩小星疏

房四星心三星

後漢書郎顗傳

玉衡北兩星爲玉繩玉之爲言溝刻也瑕而不掩折而不傷

御覽五

謝朓詩注

張景陽七命注

宋均注曰繩能直物故名玉繩溝謂作器

三台星色齊君臣和不齊大乖

御覽五

天尉主甲卒設武備

御覽二百六十九

注曰今時尉官準此義

天上一星爲郎將

藝文類聚

唐類函

引作天一上星爲郎將

御覽二百七十

心三星五度有天子布政之宮

公羊昭十七年疏

御覽五

熒惑守軒轅貴妾爭熒惑守營室羣妃鬪

御覽八百七十五

翼星主南國之羽儀文物聲明之所豐茂爲樂庫爲天倡先

王以賓于四門而列天庭之衛主俳倡近太微而爲尊

御覽五百

六十九 唐類函 類函又引翼爲天倡一句作合誠圖誤也

蟾蜍陰精流生織女立地候

御覽五

淵鑑類函星類

織女星主果

御覽九日六十四

織女主瓜果

楊升菴丹鉛錄

格致鏡原

織女之爲言神女也成衣立紉故齊能成文繡應天道

初學記

注曰女工之事齊能神天下故懸以衣人得此氣

兩口銜土爲喜喜得明心喜者爲熹熹天心

御覽四百六十七

宋均注曰心爲天王布政之宮萬物須之乃盛所以爲喜也今於口間土移一畫之者於字體安也是爲兩口上也喜得明明得所喜也

列爲南宮其庭太微

御覽五

須女四星十二度主布帛

御覽八百十八

危東六星兩兩而比曰司空主水金水守之天下憂水

御覽二百

八昂畢間爲天街日月五星以出入熒惑守之而不通天下

危卷舌主口語熒惑臨之下多亂謀國君以口舌之害起寇

御覽八百七十五

藝文類聚六引昂畢間爲天街一句

咸池主五穀其星五者各以其職以精委爲穀也咸池之爲

言皆多也言穀生於子水含秀懷實至秋精垂故一名五車以載歸之爲言扶而化之

御覽三十五

宋均注曰穀有五故五星主之

御覽

其星五者各有職以蓄

積爲天持五穀

何晏景福殿賦注

直弧北有一大星爲老人星見則治平主壽亡則君危主亡

常以秋分候之

御覽五

八百七十二作候之南郊

藝文類聚直弧作嘉置亦有南郊二字

酒旗主上尊所以侑神也

唐類函格致鏡原

酒乳也

廣韻

天狗主守財

後漢書馬融傳

瑤光星散爲鷹立秋之日鷹鷃擊

御覽二十五作鷹隼擊

八百七十

天樞得則醴泉出

王文考靈光殿賦注

奎十二星十二度主武庫之兵

唐類函

離位有九星鉤曲一處

唐類函

矢附於矢星四射

唐類函

注曰四射四方射之也

為獄圖者象斗運合

御覽六百四十三
唐類函

注曰作獄圖者象斗運也

陰陽聚而為雲

御覽十五
陰陽和而為雨

御覽陰陽散而為露

御覽

二陰陽凝而為霜

御覽十三
陰陽合而為雷

同上陰陽激而為電

同上

陰陽交而為虹蜺

御覽十四
陰陽怒而為風

陰陽亂而為霧

霧陰

陽之餘氣也

御覽十五

虹蜺者陰陽之精雄曰虹雌曰蜺

初學記

唐類函引一句

陰陽之氣聚為雲氣交為虹蜺離為背倚分為抱珥

後漢書五行志

通考交為虹蜺作立為虹蜺

霜以殺木露以潤草

初學記

御覽二十四

王仲宣詩注引一句

天地積陰寒則為雪

唐類函

土之為言吐也子成父道吐精氣以輔也陽立於三故成土

其立字十從一為土

御覽三十六

水之為言演也陰化淖濡流施潛行也故其字兩人交一以

中出者為水兩人譬男女言陰陽交物以一起也

御覽五十八

火之為言委隨也故其立字人散二者為火也

初學記二十五御覽八

木者陽精生于陰故水者木之母也木之為言觸也氣動躍也其立字八推十為木八者陰合十者陽數

御覽九百五十二 藝文類聚

八十八引二句

山者氣之苞含所以含精藏雲故觸石布山

蜀都賦注文類聚 御覽

三十八引此苞下無含字布山作而出

水者天地之包幕五行始焉萬物之所由生元氣之津液也

牛女為江湖者所以開神潤化故其氣湍急

水經注一 郭璞江

賦注 初學記六 御覽六十引牛女為江湖以潮作湖誤

也

孤星高則羣龍吟

張平子歸田賦注

麟龍鬪日月薄食

初學記

猛虎嘯谷風起類相助也

左太冲蜀都賦注

龍之言萌也陰中之陽也故言龍聚而雲興

御覽九百二十

火流爲烏烏孝烏何知孝烏陽精陽天之意烏在日中從天

以昭孝也

藝文類聚九十二

御覽九百二十節引

火離爲鳳

王巾頭陀寺碑注
御覽九百十五

火離爲鸞

藝文類聚九十
御覽九百十六

火離

爲孔雀

藝文類聚九十一

御覽九百三十四

三月榆莢落

藝文類聚八十八

廣韻

御覽九百五十六

夫弓矢之張候變禦難用戒不虞

唐類函

積骨成山流血成淵

木元處海賦注

北方至寒其人形矩頸

御覽三百六十九

注曰矩頸畏寒

君失德則地吐泉魚銜兔

御覽九百七

宋均注曰兔陽精魚是陰見制也

孔子曰邱作春秋始于元終于麟王道成也

班固答賈逵注

子貢問夫子作春秋不以初哉首基爲始何

爾雅疏

蚊行喙行蠕動蚋飛根生浮著含靈盛壯

頭陀寺碑注

許昌爲周當塗

景福殿賦注

周禮大司樂疏曰六舞雲門以下並依樂緯及元命包

愚按據此文則元命包當有說六舞之語

史記天官書引宋均注箕爲敖客

西征賦注引宋均注儲君副主言設以待之

格致鏡原引元命包注礲礲灼電之耀也

天門山上有蕙所種畦隴悉成行人拔取悉絕若請神而

求卽不拔自出奇異辛香

藝文類聚八十三
唐類函

御覽九百

愚按此文絕不類古緯定係誤收故低一格姑存之以

俟再考

共一百七十條

孫氏所無者六十五條

春秋文曜鉤

太微宮有五帝座星蒼帝其名曰靈威仰赤帝其名曰赤熒

怒曰帝其名曰白招矩黑帝其名曰汁光紀黃帝其名曰含

樞紐左傳啓蟄而郊疏禮曲禮月令疏左傳疏引五帝座星一句通典六十八但作易緯

蒼帝春受制其名靈威仰赤帝夏受制其名赤熒怒白帝秋

受制其名白招矩黑帝冬受制其名汁光紀黃帝受制王四

季其名含樞紐穀梁僖三十一年疏

愚按周禮太宗伯疏掌次疏引此文作春起青受制夏

起赤受制秋起白受制冬起黑受制季夏六月火受制

字句小異

東宮蒼帝其精爲青龍南宮赤帝其精爲朱鳥西宮白帝其

精白虎北宮黑帝其精元武

史記索隱天官書

鎮星黃帝含樞紐之精其體璇璣中宿之分也

同上

中宮大帝其精北極星含元出氣流精生一也

同上

中宮大帝其北極星下一明者爲太一之光含元氣以斗布

常

周禮大宗伯疏

咸池曰天潢五星五帝車舍也

初學記

說郛

宋均注曰舍庫也五帝車之庫也

唐類函

軫南四星曰天庫天庫五帝車舍也

初學記

斗者天之喉舌玉衡屬杓魁爲璇璣

史記索隱天官書

魁戴筐六星曰文昌宮為六府

初學記二十四作天府天中記同

吳記六府

房心天帝之明堂布政之所出也

周禮大司樂疏

雖有明天子必視熒惑所在

史記天官書

老人星見則主安不見則兵起

御覽五

王者安靜則老人星見當以秋分候之

文苑英華御覽八百七十二引一句

赤帝熒惑之神為熒惑焉位在南方禮失則罰出

德成潢敗成鉞

史記索隱

天官書

王者往也神所向往人所樂歸也

御覽七十六作元命包

初學記引藝文類聚唐

類函皆引作考耀文

布度定記分州繫象華岐以西龍門積石至三危之野雍州

屬魁星太行以東至碣石王屋砥柱冀州屬樞星三河雷澤
東至海岱以北兗州青州屬璣星蒙山以東至南江會稽震
澤徐揚之州屬權星大別以東至雲夢九江荊州屬衡星荆
山西南至岷山北距鳥鼠梁州屬開陽外方熊耳至泗水陪
尾豫州屬搖光

周禮保章氏疏 路史節引

陰德爲天下綱

宋均注曰陰行德者道常也

水土合則成鑪冶鑪冶成則火興火興則土之子焠金成銷
鑠銷鑠則土無子輔父無子輔父則益妖孽故子憂也

史記天官

書

緯攬

卷五

无

強恕堂藏書

伏羲作易名官

周禮序

高辛受命重黎說文唐堯卽位羲和立渾夏后制德昆吾列

神成周改號甚弘分官

後漢書律歷志 御覽二引四句
晉書天文志引二句

楚立唐氏以爲史官蒼雲如蜺圍軫七蟠中有荷斧之人向軫而蹲楚驚唐史曰君慢命又簡宗廟於是晝遺炎煙耀於蒼雲精消無文

御覽二百三十五

注曰蟠猶周也蹲踞也命天命也軫于天文楚之分也向之而踞是慢命倨簡宗廟軫火精雲水氣圍軫水也晝日陽也炎火亦陽也遺之者象蟠所也水難勝火三陽并氣且火炎上宜消滅也文則蜺也

楚有蒼雲如蜺圍軫七蟠唐史畫遺灰而雲滅故曰唐史之

策上滅蒼雲

初學記

御覽八

宋均注曰軫楚分也雲水氣灰火氣畫遺灰故雲滅告神以史功也

楚有蒼雲如霓唐史曰君慢令簡宗廟以無禮見患七國俱謀皆懷屠君於是立禮正雅禱醮於廟堂之前曰唐史之策上滅蒼雲謂之神史也不已知道之原哉

唐類函太史令

白虹貫牛山管仲諫曰無近妃宮恐失權齊侯大懼退去色黨更立賢輔使后出望上牛山四面聽之以厭神

後漢書楊賜傳注

董斯張廣博物志引白虹至賢輔七句

宋均注曰山君位也紅蜺陰氣也陰氣貫之君惑于妻黨之象也望謂祭以謝過

牧野之戰鬼哭

御覽八十三

注曰牧野鬼先哭喻紂將死

庶人爭權亦帝之精

御覽八十七

注曰庶人項羽劉季也爭權並欲起也

春致其時華實乃榮

潘岳西征賦注

商絃絕蠶含絲

御覽八百二十五

注曰絃將絕蠶含絲以待用也

曲禮疏引宋均注女媧以下至神農七十二姓

共三十條

孫本所無者八條

春秋運斗樞

伏羲女媧神農是謂三皇也皇者天天不言四時行焉百物
生焉三皇垂拱無爲謹言而民不違道德立泊有似皇天故
稱曰皇皇者中也光也弘也含弘履中開陰布綱上合皇極
其施光明指天畫地神化潛通煌煌盛美不可勝量

應劭風俗通

御覽七十六只引七句
初學記九節引

七十七全引

五七三十五人皆共一德

後漢書蘇竟傳

五帝脩名立功脩德成化統調陰陽招類使神故稱帝帝之
言諦也

後漢書李雲傳注

詩君子偕老疏引末一句

鄭注曰審諦於物色也

五帝所行同道異位皆循斗樞璣衡之分遵七政之紀九星

之法

初學記一

御覽五

常占有經世史所明

後漢書律曆志

人皇九頭兄弟九人別長九州

周禮序

愚按序引此文作斗機定是斗樞之誤故收入此卷

黃帝坐元扈與大司馬容光臨觀鳳凰銜圖置黃帝前

藝文類聚

四十七

御覽二百九

舜以太尉受號卽位爲天子五年二月東巡狩至于中月與三公諸侯臨觀黃龍五采負圖出置舜前圖以黃玉爲柙如匱長三尺廣八寸厚一寸四合而連有戶白王檢黃金繩芝

爲泥封兩端章曰天皇帝符璽五字廣袤各三寸深四分鳥
文舜與大司空禹臨侯望博等三十集發圖而玄色綈狀可
舒卷長三十二尺廣九寸中有七十二帝地形之制天文位
度之差

初學記
河圖

路史

御覽八十

九百二十九引作

注曰太尉公官名也唐虞五載一巡狩中月月半也臨觀
河月或以爲舟也 此含樞紐之命故龍所賁也四合有
橫道相合也有戶言可開闔文字也四或爲三大司空公
官名臨侯國氏望博名而如也三或爲五

愚按路史引此文月中月作舟猶可通初學記作中州則
誤矣

舜與諸侯觀河洛有黃龍負圖出置帝前躐入水而前去御覽

六十一

宋均注曰躐去也

舜東巡狩至于河黃龍五采負圖出置舜前黃芝爲泥封兩

端唐類函

赤龍負圖以出河見堯與大尉舜等百二十人集發藏之大

麓御覽二百七天中記路史引作元命包

天文地理各有所主北斗有七星天子有七政說郛合誠圖又見

北斗七星所謂璇璣玉衡以齊七政杓攜龍角衡殷南斗魁

枕參首是謂帝車巡乎中央臨制四鄉分陰陽建四時均五

行移節度定諸紀皆擊于斗

說郭

北斗七星第一天樞第二璿第三璣第四權第五玉衡第六

開陽第七瑤光一至四為魁五至七為杓合為斗居陰布陽

故稱北斗

曲禮疏 史記天官書 藝文類聚 御覽五
王元長策秀才文注 張平子思元賦注節引

愚按康熙字典引布陽作播陽

太微官有五帝座星

周禮大宗伯疏

愚按此句亦見文耀鉤

天樞德見則鳳凰翔

左傳昭十七年疏

天樞得則景星見

御覽

甘露

零鷺鳥集

仙覽九

朱草生

八百七

則景雲出

藝文類聚九

璇星得則嘉禾液

御覽八百三十九

醴泉出

八百七十三

璣星得則狐九尾

藝文類聚九十九

麟生

路史八十九

御覽

冀茨生

八百七十

三璣星誤作箕星

則麒麟生和平合萬民

藝文類聚九十八

衡星得則麒麟生萬人壽

御覽五

靈龜躍

廣博物志格致鏡原

百獸率舞

唐類函

搖光得則陵出黑芝

御覽九百八十五靈光殿賦注

江吐大貝

藝文類聚八十四

海出明珠

御覽八百七十三

維星得則日月光烏三足禮義修物類合

藝文類聚九十九御覽九百二十

璇星失則失德逆時即蠶有翼辛而不臭

御覽九百九十九

遠雅頌著倡優則玉衡不明菖蒲冠環

藝文類聚八十一雄御覽九百七十七

雞五足

初學記

廢江淮之祠斬伐無度則搖光不明人參不生

御覽九百一十一服

翼九足

九百四十六

兔生鹿

九百六十六

初學記兩處節引此文一處引作廢江淮之祠

注曰服翼幅鼠也

樞星散為虹蜺

御覽十四

為雲母

八百八

為虎

八百九十一

為麋

九百七為

象

初學記

璣星散為雉

御覽九百十七

為鸚

九百二十二

為鶉

九百二十四

為菝葜

九百九十

七

璇星散為橘

初學記三十七

為薑

御覽九百七十七

為柏

格致鏡原

掃光星散為象

御覽八百九十

為麋

九百六十六

為鳥

九百八十八

為雀

為燕九百二十

二為鷹

九百二十六

為鼯

九百三十一

為人參

九百九十一

為鹿

格致鏡原

維星散為薩蕪

御覽九百八十三

玉衡星散為雞

御覽九百十八

為鴟

九百二十三

為兔

九百七

為鼠

九百九

為

榆九百五十六

為椒

九百五十八

為荆

九百五十九

為桃

九百六十七

為李

九百六十六

九為菖蒲

九百九十七

行失搖光則服翼兩頭並翔

藝文類聚九十七引作搖光攜

御覽九百

搖光行失則免出月

藝文類聚九十五

御覽九百七

宋均注曰陰不藏陽故免出月

行失搖光則矛生角予生角則有赤風

唐類函

參伐事主斬艾

史記天官書

老人星臨國則莫莢生

御覽八百七十三

狼北有大星名南極老人

淵鑑類函

王政和平則老人星臨國萬民以歌

御覽八百七十二

天子孝則景雲出游

藝文類聚九十八

日行失雖當煥反寒

御覽三十四

血濁霧天下小冤

御覽八百七十八

政紀乖則蟾蜍月精四頭咸翔

御覽九百四十五

后族擅權月生足芒主勢奪于后族羣妃之黨橫僭則月盈

競出小月承大月羣姦在宮主若贅旒大月承小月近臣起

讒人橫陪臣執命三公望風

御覽四

勢集於后族羣妃之黨僭黃雲四合女訛驚邦

御覽八百七十七

土躍沙城后黨盛

陳仁錫潛確類書
唐類函

黃帝行失樞則枉矢出射所謀

御覽八百七十五

注曰謀易失樞之王故以枉矢射之

愚按黃帝字有誤

赤人刺房

御覽七百七十七

注曰赤人賊氣也而刺房房天王之明堂大星也

黑精用事百木共一根

御覽九百五十二

注曰天下共一主之徵也

德義少殘百家則鷄無頭

御覽九百二十一

則鷄生

九百二十四

四方煩擾小民失恩虎銜魚

御覽九百三十五

飛翔羽翮爲陽陽氣爲仁故鳥哺公也

初學記三十 御覽九百二十引故鳥哺

公作故鳥反哺

九百十四引作考異郵

唐類函亦引作運斗樞

椒桂生合剛陽

御覽九百五十七

注曰椒桂陽星之精所生也合猶連體而生也

椒桂連名士起

顏延年陶徵士誄

宋均注曰桂芳馨美物

山者地之基

稽叔夜琴賦注

謝靈運詩注引作山者地基

夏不田

禮王制疏

粟五變而以陽化生爲苗秀爲禾三變而粢謂之粟四變入

白米出甲五變而蒸飯可食

初學記二十六 御覽八百五十八百四十引作說題辭

宋均注曰粟變五行氣而五變乃可食

說郭

春秋設七等之文以貶絕錄行應斗屈伸

公羊以蔡侯獻舞歸疏

不能宣德天下瓦解

潘岳西征賦注

牽牛神名略

廣博物志

地動則見於天象四角主災月蝕則見

唐類函

房爲龍角月蝕則見於大辰

唐類函

共五十七條

孫本所無者十九條

春秋感精符

天統十一月建子天始施之端也謂之天統周以爲正地統十二月建丑地助生之端也謂之地統商以爲正十三月建寅物大生之端也謂之人統夏以爲正

御覽二十六 二十九

冬至陰雲祁寒有雲迎送日者來歲大美

御覽二十八

宋忠注曰雲迎日出雲送日沒也

潛確類書

冬至之日人主與羣臣左右縱樂五日天下人衆亦家縱樂五日以迎日冬至人主致八能之士八能以備人主乃使八士撞黃鐘之鐘擊黃鐘之鼓用馬革鼓員徑八尺一寸鼓黃鐘之琴瑟用黃木瑟長八尺一寸吹黃鐘之律間音以竿補

笙長四尺二寸天地以和應黃鐘之音得蕤賓之律應則公卿大夫列士以德賀于人主因請政所行請五官之符各受其當聲之調者諸氣和則人主以禮賜公卿列士五日議定天地之氣和人主公卿大夫列士意之德則陰陽之晷如度數夏至之禮如冬至之禮舞八樂皆以肅敬爲戒黃鐘之音調諸氣和人主之音順則蕤賓之律應磬聲和公卿大夫列士誠信林鐘之律應此謂冬至成天文夏至成地理御覽五百六十五 二十二引冬至成天文二句 通考一百三十六節引

注曰八樂者雲門五英大咸大韶大夏大濩大武也人主日月同明四時合信故父天母地兄日姊月

後漢書李固傳御

宋均注曰父天于圜邱之祀母地于方澤之祭兄日于東

郊姊月于西郊

人主含天光據璣衡齊七政操八極故明君聖人道德正則

日月光明五星有度

後漢書明帝紀御覽五百十七引此文作含天地操八極下有父天母地兄

日姊月八字

三綱之義日爲君月爲臣也

白虎通日月

日者陽之精耀魄光明所以察下也

春秋序疏

月者陰之精地之理也

月賦注御覽四

日下淪於地則嘉禾興

御覽八百三十九

地生月精爲馬

顏延年赭白馬賦注

日無光主勢奪羣臣以讒術赤色如炭以急見伐兵馬發日
黑則水淫溢日朝珥則有喪孽日已出若其入而雲皆赤黃
名曰日空不出三年必有移民而去者也

後漢書五行志
通考伐字下有久

字發作廢

虹貫日天下悉極文法大擾百官殘賊酷法橫殺下多相告
刑用及族世多深刻獄多怨宿吏皆慘毒國多死孽天子命
絕大臣爲禍主將見殺

後漢書五行志

羣臣恣則日黃無光羣臣爭則日裂人主排斥則日夜出

廣博

雅一

九月十月日色青則寒有雪意

御覽十四

月太陰之精海畔食其光生珠

潛確類書

晝遺灰則月暈

御覽八百七十一

地爲山川山川之精上爲星辰各應其州域分野分國作精

神符驗也

御覽五

恒星不見夜中星隕如雨而王不懼使榮叔改葬桓王冢者

麗太甚

穀梁葬桓王疏

妻黨翔則黃雲入國候今冬至日見黑雲有水雲黃白如人

頭懸鏡之狀禍流

御覽八百七十七

失陽事則無雲而雨

御覽八百七十七

大臣擅法則雨雹

御覽十四

八月白露降鶴即高鳴相警

說郭

五禮通考二百

山冬大霧十日以上不除者山崩之候

說郭

霜者殺伐之表季秋霜始降鷹隼擊王者順天行誅以成肅殺之威若政令苛則夏下霜誅罰不行則冬霜不殺草

初學記

唐類函 御覽十四節引

九女並御則九虹並見

御覽八百七十八文並御作並訛

潛確類書引此

后妃恣則澤爲海

御覽六十

蒼帝之始二十八世滅蒼者翼也滅翼者斗滅斗者參滅參

者虛滅虛者房

公羊宣元年改卜牛疏

注曰彗星之精在南方其色赤彗斗星之精在中央其

色黃禹參星之精在西方其色白湯虛星之精在北方其

色黑文王房星之精在東方其色青五星之精格致鏡原天中記

淵鑑類函引作正文

孔子按錄書含觀五常英人知姬昌為蒼帝精御覽八十四

王者上感皇天則鸞鳳至景星見御覽九百十四德下淪於地則嘉

禾興天中記醴泉出御覽八百三十九

王者德洽於地則朱草生食之令人不老御覽八百七十五王者德

澤旁流四表則白雉見藝文類聚九十九御覽八百九十七王者德化旁流四

表則麒麟游其囿八百八十九

麟一角明海內共一主也王者不刳胎不剖卵則出于郊初學

記二十九 藝文類聚九十八 劉越石勸進表注節引路史引作孝經石契

德及幽隱不肖斥退賢人在位則麟至明于興衰武而仁仁

而有慮禽獸去陷阱不非時張獵則麟至明王動則有義靜

則有容麟乃見藝文類聚九十八

強桀並侵戰兵雷合龍門溺驂謝元暉登孫權故城詩註

宋均注曰龍門魯門也時與宋齊戰敗相殺血溺驂馬御覽

三十三

齊晉並爭吳楚更謀不守諸侯之節競行天子之事作衝車

厲武將輪有刃衡著劍以相振懼御覽三百三十六

宋均注曰衡陷敵之車也輪有刃鑿輪著刃也衡馬輓也
西秦東窺謀襲鄭伯晉戎同心遮之穀谷反呼老人百里子
哭語之不知泣血何益

李康運命論注

魯昭公時白雉銜環入

藝文類聚九十九
唐類函貢獻

注曰雉之爲言弟也喻昭公弟爲季氏入之爲君也

魯哀公政亂絕無日食天不譴告也

後漢書陳蕃傳

注曰哀公時政彌亂絕不日食政亂之類當致日食而不
應者譴之何益告之不悟故哀公之篇絕無日食之異

墨孔生爲赤制

後漢書鄧曄傳

汙吏爲虐

唐類函

共四十條

孫本所無者十一條

春秋合誠圖

大帝冠五采衣青衣黑下裳抱日月日在上月在下黃色正

方居中名曰五光

御覽七十六

注曰正黃而名之曰五光者蓋以黃爲質而衆采就飾之故曰五色此謂大帝象旁文也

五光垂采天下大嘉

御覽八百七十二

說郭

天皇大帝北辰星也含元秉陽舒精吐光居紫宮中制取四

方冠有五采文

御覽六百八十四

紫微大帝室太一之精也

史記天官書
靈光殿賦注

中宮天極星其一明者太乙常居旁三星三公或曰子屬後

勾四星末大星正妃餘三星後宮之屬也通考二百七十六

紫宮帝太宮也又曰太微其星十二張平子思立賦注

太微主法式陳星十二以備武急也史記索隱天官書

天理在斗中司三公也如人喉在咽以理舌語後漢書李固傳

宋均注曰斗爲天之口舌主出政教三公主道宣君命喻

於人則宜如人喉在咽以理口舌使言有條理

王良主天馬 少微處士位史記天官書

氏爲宿宮史記天官書奎主五庫之兵後漢書蘇竟傳東井主水衡淵鑑類函

獄漢主逐亡御覽八百七十五大陵主死喪天中記

注曰獄漢填星所爲御覽

又注曰獄漢居正北方出地可六丈而赤主逐王

說郭

五殘主出亡主旬始主兵爭

御覽八百七十五

大陵主死喪

天中記

軒轅主雷雨之神旁有一星立戈名曰貴人旁側郎位主宿

衛尚書

御覽五

平星主建廷平主平天下之獄若令廷尉之象

御覽卷六

赤帝之精象如太白七芒

史記天官書昭明星下

赤彗火精如火曜長七尺

御覽八百七十五

霹靂擊於宮殿者妃后爭政

御覽八百七十六

北辰其星五在紫微中

史記天官書大將軍宴會作詩注

靈光殿賦注

陸雲

衡表注皆引作其星七

孔文舉薦禰

天文地理各有所主北斗有七星天子有七政也御覽五又見運斗

天子精耀心憤務德則景星見御覽八百七十二

宋均注曰憤猶盛也

伏羲長九尺有一寸望之廣視之專路史初學記

赤帝之爲人視之豐長八尺七寸路史唐類函

黃帝黃冠白帝白文路史

黃帝立五始制以天道中庸疏

黃帝德冠帝位班固典引注

黃帝游元扈洛水上與大司馬容光等臨觀鳳凰銜圖置黃

帝前帝再拜受圖

初學記三十 御覽九百十四

御覽四十三

宋均注曰元扈石室名

九百十四

愚按御覽四十三引此列于元扈山之下是以爲山名也運斗樞亦有此文字句小異

黃帝游玄扈上洛與大司馬容光左右輔周昌等百二十人

臨之有鳳銜圖以置帝前圖以黃玉爲桺

御覽四十三 九百十五又引多再

拜受圖四字

路史引百二十

人作百二十二人

黃帝有迹必稽功務法

顏延之曲水詩注 示七夕詩注

任昉荅梁武帝

朱均注曰迹行迹謂功績也

赤帝之精生於翼下

初學記九

堯坐舟中與太尉舜臨觀鳳凰負圖授堯圖以赤玉爲柙長

三尺廣八寸厚三寸黃金檢白玉繩封以兩端其章曰天赤

帝符璽五字

御覽九百十五 二百七只引前三句

大帝之精起三河之州中土之腴

御覽七十六

帝堯之母曰慶都生而神異常有黃雲覆上

同上

黃帝先致白狐白虎諸神物乃下

赭白馬賦注

堯母慶都有名於世蓋大帝之女生于斗維之野常在三河

之南天大雷電有血流潤大石之中生慶都長大形象大帝

常有黃雲覆蓋之夢食不飢及年二十寄伊長孺家出觀三

河之首常若有神隨之者有赤龍負圖出慶都讀之云赤受

天運下有圖人衣赤光面八采鬚鬢長七尺二寸兌上足履翼宿署曰赤帝起天下寶奄然陰風雨赤龍與慶都合婚有娠龍消不見既乳堯貌如圖表及堯有知慶都以圖予堯

御覽八十
引作蔑食

藝文類聚九十八節
初學記引前八句

御覽一百三十五節引

路史

注曰三河之首東河北端運錄運也衣赤象火光而又著衣也八采采色有八也翼星火位宿也國人旁有此署文七十也龍乘風雲故先陰風乃龍至也婚猶會合或爲結如圖人儀表也

御覽

又宋均注曰蔑食不飢天地以氣食 足下五翼星

路史

黃帝請問太乙長生之道太乙曰齋戒六丁道乃可成

鮑昭
升天

行詩注

注曰丁取能能丁甯常戒懼也

御覽五百三十

食飲六甲

唐類函飲類

戰龍門之下涉血相創

邱遲與陳伯之書注

赤受天運

陸機皇太子宴賦詩注

赤帝體爲朱鳥其表龍顏多黑子

史記正義八

水神哭子褒褒敗

史記索隱天官書

宋均以爲高祖斬白蛇而神哭則此母水精也

至道不迨三五而反

後漢書郎顗傳

宋均注曰三三正也五五行也三正五行王者改代之際

會也能於此際自新則通無窮也

明堂在辰巳者言在木火之際辰木也已火也木生數三火成數七故在三里之外七里之內

御覽五百三十三

誅鋤民害也

陸機辨亡論注

天子外苦兵也

後漢書五行志謂天投蜺

君殺妻誅爲天下笑

司馬相如喻巴蜀檄注

史記索隱引宋均曰太微天帝南宮也三光日月五星也

共四十三條

採本所無者二十條

緯牆卷五